

ՎԱՀԱԳՆ ԳՐԻԳՈՐՅԱՆ, Հայաստանի վաղ միջնադարյան կենտրոնագմբեք փոքր հուշարձանների, ՀՍՍՀ ԳԱ հրատարակչություն, Երևան, 1982, 189 էջ:

Միջնադարյան Հայաստանի ճարտարապետությունը վաղուց ի վեր եղել և մնում է ինչպես հայ, այնպես էլ օտարազգի գիտնականների ուսումնասիրության առարկա: Զախագանց մեծ է և արժեքավոր հայ ժողովրդի ներդրումը մշակույթի մի այնպիսի կարևոր բնագավառում, ինչպիսին ճարտարապետությունն է: Ստեղծվում են բազմաթիվ աշխատություններ՝ նվիրված հայ ճարտարապետության ընդհանուր պատմությանը, նրա առանձին ուղղություններին ու դպրոցներին, կառուցվածքների տարբեր տիպերին, հուշարձանախմբերին ու առանձին հուշարձաններին: Առանձնապես կարևոր և անհրաժեշտ են հուշարձանների առանձին տիպերին նվիրված ուսումնասիրությունները, որովհետև հայ ճարտարապետությունը (հատկապես վաղ միջնադարում) այժի է ընկնում հորինվածքների այնպիսի բազմազանությամբ, որն այդ ժամանակաշրջանում չի հանդիպում ոչ մի այլ երկրում: Սակայն միջնադարյան հայ ճարտարապետության առանձնահատուկ դերը և կարևոր նշանակությունն առաջին հերթին այն է, որ շենքերի տիպերի մի մասը ստեղծվել է հենց Հայաստանում և հայ արվեստի զարգացման արգասիքն է: Իսկ դա, հիրավի, կարելի է հայ ճարտարապետների ու շինարարների ստեղծագործական սխրանքը համարել, որովհետև շատ քիչ երկրների ճարտարապետական դպրոցներ կարող են հպարտանալ կառուցվածքների նոր տիպերի ստեղծմամբ:

Հայաստանում մշակված էջմիածին—Բազարանի, Մաստարայի, գմբեթավոր դահլիճի, Ավան—Հոփիսիմեի, Զվարթնոցի հորինվածքները համաշխարհային ճարտարապետության գլոբալգործոցներից են, և դրանցից մի քանիսը տարածվել ու կիրառվել են նաև այլ երկրներում: Սակայն, ջալոթը, Հայաստանում վաղ միջնադարում հանդիպող ճարտարապետական տիպերից շատ քչերն են արժանացել մենագրական ուսումնասիրության (կարելի է նշել միայն եռանավ բազիլիկաները, Ավան—Հոփիսիմեի և Զվարթնոցի տիպի հուշարձանները): Վ. Գրիգորյանի աշխատությունը՝ նվիրված փոքր խաչածե գմբեթավոր հուշարձաններին, գալիս է լրացնելու այդ բացը: Ուսումնասիրվող այս տիպը հանդիպում է ոչ միայն Հայաստանում. վաղ միջնադարում այն կիրառվել է նաև Բյուզանդիայում և Փոքր Ասիայում, Սիրիայում ու Վրաստանում: Գրախոսվող մենագրության կարևոր արժանիքներից մեկն այն է, որ հրատարակված մոտ շորե տասնյակ հուշարձանների մի զգալի մասն առաջին անգամ է ուսումնասիրվում և գիտական աշխարհին ներկայացվում: Գրականության մեջ մինչ օրս հայտնի փաստորեն մեկ տասնյակ հուշարձանի փոխարեն, երբ ունենում ենք արդեն մոտ քառասունը, ապա քանակը հիրավի փոխվում է որակի, և Վ. Գրիգորյանն իրավացիորեն եզրակացնում է, որ «Բյուզանդիայի, Սիրիայի, Փոքր Ասիայի հետ մեկտեղ Հայաստանը վաղ միջնադարում եղել է կենտրոնագմբեթ փոքր հուշարձանների տիպի մշակման կենտրոն: Հայ ճարտարապետները, առաջադրելով ...ինքնատիպ տարրերակներ՝ թյուզանդական, սիրիական և վրացական լուծումներից տարբեր, խոշոր ավանդ ունեն կենտրոնագմբեթ փոքր կառուցվածքների ճարտարապետական տիպի ստեղծագործական մշակման գործում» (էջ 85):

Հետաքրքրական է այն փաստը, որ գրքում ներկայացված 33 հուշարձաններով չի սպառվում Հայաստանում այդ տիպի կառուցվածքների թիվը: Աշխատության ապագրության ընթացքում պետք է ներգրավվենք թափված VI—VII դդ. երկու նույնատիպ եկեղեցի կա, մեկը քառախորան, Նովարի Զորավոր տաճարի (661—685) մոտ, մյուսը միախորան՝ Թալինի շրջանի Ներքին Սասունաշեն գյուղում: Եվ վստահորեն կարելի է ասել, որ ժամանակի ընթացքում կրացահայտվեն ուրիշները ևս:

Ուսումնասիրության կառուցվածքը հաջող է և գիտականորեն ճիշտ. հուշարձանները խմբավորված են ըստ հիմնական նսթատիպերի՝ քառախորան, եռախորան և միախորան: Առաջին գլխում ներկայացված են 7 քառախորան հուշարձան, որոնք, հեղինակի վերլուծության հիման վրա, թվագրվում են V, VI և VII դդ. Գրանցից Մորո լորո վանքի ս. Աստվածածին

եկեղեցին (V դ. վերջ) զմբեթավոր հուշարձանների մեջ առանձնակի կարևորություն է ստանում խաչքների արտաքին կիսաշրջանաձև հորինվածքով և դրանց թվում «խեբնին եզակի վկայությունն է դեռևս V դարում կիրառված շինարարական մի տեխնիկայի, ըստ որի կառուցի կոնստրուկտիվ կարևոր տարրերն ու հանգույցները շարվել են սրբատաշ, իսկ մնացած մասերը՝ համեմատաբար անմշակ քարերով» (էջ 17)։ Այս վերջին առանձնահատկությունը խոստ կարևոր է միջնադարյան հայ ճարտարապետության և շինարարական տեխնիկայի պատմության համար։ Մինչև օրս ընդունված էր այն տեսակետը, որ վաղ միջնադարում Հայաստանում պաղատմունքային շենքերը կառուցվել են բացառապես սրբատաշ քարով։ Մորո Ձորո վանքը, այս գրքում ներկայացվող մի այլ հուշարձան՝ Բյուրուկանի Արտավազիկ միախորան եկեղեցին (VII դ.), ինչպես նաև Լուսակերտի միանավ դահլիճը (IV—V դդ.), որոնք կառուցված են նաև կիսամշակ ու կոպտատաշ քարի օգտագործումով, հերքում են վերը նշված տեսակետը և հնարավորություն տալիս վերանայել հայկական մի շարք հուշարձանների թվագրումը, որոնք ունենալով վաղ միջնադարին բնորոշ ճարտարապետական տառանձնահատկություններ, թվագրվել են դարդաշատ ֆեոդալիզմի դարաշրջանով՝ հիմնականում քարի մշակման աստիճանից ելնելով (օրինակ, Քուլտակի ս. Աստվածածին հուսիսիմաստիպ եկեղեցին)։

Արզնիի ս. Կիրակի քառախորան կառուցվածքը (VI դ.) արտաքինից պարփակված է ութանիստ ծավալով և ունի վաղ միջնադարյան մկրտարանների հորինվածքը՝ իր հատակագծային և ծավալատարածական լուծումներով էապես տարբերվելով եկեղեցիներից։ Հետևաբար, այն դառնում է մեզ հասած հայկական միակ մկրտարանը, որի գոյությունը Հայաստանում V—VII դդ. մեզ հայտնի է եկեղեցական կանոններից և պատմիչներից։ Առաջին գլխում ներկայացված այս քառախորան հուշարձանները հերքում են որոշ մասնադեմների այն կարծիքը, թե վաղ միջնադարում նման հորինվածք Հայաստանում չի հանդիպում։ Սա, իհարկե, անհայտ անհիմն տեսակետ էր, որովհետև V—VII դդ. հայ ճարտարապետության մշակված պաղատմունքային կառուցվածքների մի շարք կատարյալ տիպերի հիմքը հենց քառախորան հորինվածքն էր։ Եվ իրավացի է վ. Գրիգորյանը, երբ նշում է, որ «այս յոթ հուշարձանների գոյության փաստն ինքնին վկայում է, որ V—VII դարերի հայկական ճարտարապետության մեջ արդեն ձևակերպված են եղել քառախորան տիպի հատակագծային, համապատասխանաբար և ծավալատարածական հնարավոր գրեթե բոլոր լուծումները։ Այս իմաստով հուշարձանները մեծ արժեք են ներկայացնում ընդհանրապես վաղ միջնադարի կենտրոնագմբեթ շինությունների ուսումնասիրության համար, քանի որ սրանք գալիս են հավաստելու, որ դեռևս V դարից սկսած, աշխատիպ հորինվածքների հետ մեկտեղ հայ ճարտարապետները կիրառել են նաև քառախորան գմբեթավոր տիպը» (էջ 18)։

Աշխատության երկրորդ գլխում ներկայացված են 15 եռախորան հուշարձան։ Դրանցից Դորանտիվանքի ս. Աստվածածին եկեղեցին հայկական ճարտարապետության մեջ բացառիկ տեղ է գրավում հատակագծի երկայնական՝ բազիլիկ ձևով, զմբեթատակ ուղղանկյուն (այլ ոչ քառակուսի) հիմքով, նախախորանի առկայությամբ և նրա արտաքուստ դրսևորված լինելու փաստով։ Ջրառատի եկեղեցին (որը հայտնաբերել է հեղինակը) լրացնում է հայկական՝ արտաքինից բազմանիստ հուշարձանների շարքը, լինելով վեցանիստ լուծման միակ օրինակը։ Ինքնատիպ է նաև Պեմզաշենի հուշարձանը՝ արտաքին ծավալի ուղղանկյուն ձևով, չորս անկյուններում զետեղված ֆաբրատոցներով, հարակից երկու միանավ եկեղեցիների առկայությամբ, որով հուշարձանախումբը դառնում է IV—VII դդ. մեզ հայտնի միակ միասնական համալիրը։ Այս զլխում ներկայացված հուշարձանները վկայում են, որ վաղ միջնադարում հայ ճարտարապետության մեջ քառախորանի հետ մեկտեղ մեծ տարածում է ունեցել եռախորան ենթատիպը (ուշագրավ է, որ նույն ժամանակաշրջանի վրացական ճարտարապետության մեջ, որ սերտ առնչություններ ունի հայկականի հետ, հայտնի չէ եռախորան ենթատիպը որեւէ հուշարձան)։

Գրքի երրորդ գլխից նվիրված է միախորան ենթատիպին։ Այստեղ հանրահայտ Կարմրավոր եկեղեցու հետ միասին ներկայացվում են գրավանդության մեջ քիչ հայտնի կամ ընդհանրապես անհայտ մի խումբ հուշարձանների, որոնք ունեն մի շարք կարևոր առանձնահատկություններ։ Այսպես, օրինակ, Շնոր Կյանքի ս. Գրիգոր Լուսավորիչ եկեղեցում տրամպային և առաջաստային համակարգերով իրականացված փոխանցումը, եզակի լինելով հայ ճարտարապետության մեջ, փաստացի վկայությունն է այն բանի, որ VI դարում տրամպայինի հետ միասնական կիրառվել է նաև առաջաստային փոխանցումը (էջ 49)։ Բացառիկ է Սառնաղբյուրի ս. Ղազար եկեղեցին (V—VI դդ., նույնպես հեղինակի հայտնաբերած), որն ունի

քննիչ ուղղանկյուն ձև. դրանով այն առանձնանում է «ոչ միայն այս տիպի, այլև ընդհանրապես հայկական կենտրոնագմբեթ շինությունների մեջ» (էջ 43)։

Սակայն, պետք է նշել, որ չի արդարացվում մենագրությունում վաղ միջնադարյան մի աշխարհի հետաքրքրական հուշարձանի բացակայությունը, ինչպիսին Արթիկի Զ. Մարիամ եկեղեցին է։ Մասնագետներն այն թվագրում են նույնիսկ V դ. վերջով և համարում հայկական առաջին գմբեթավոր կառույցներից մեկը։ Իսկ հորինվածքով եկեղեցին փաստորեն խալաձե գմբեթավոր հուշարձանների մի ինքնատիպ տարբերակ է, դրանց վաղագույն օրինակներից ու սերտորեն առնչվում է գրծում քննարկվող ճարտարապետական այս տիպի հետ։

Գրախոսվող մենագրության շորորոգ գլուխը նվիրված է հուշարձանների հատակագծային ու ծավալատարածական հորինվածքների, կոնստրուկտիվ տարրերի և համակարգերի, դեկորատիվ հարդարանքի համեմատական վերլուծությանը։ Այստեղ հեղինակը միանգամայն հիմնավորված եզրակացնում է, որ խաչաթևերի ներքին (ուղղանկյուն, շրջանաձև) ու արտաքին (ուղղանկյուն, շրջանաձև, բազմանիստ) լուծումները զուգահեռաբար գոյություն ունեցող ձևեր են և ոչ թե մեկը մյուսի զարգացման արդյունք։ Քառախորան, եռախորան և միախորան խմբերը, որոնք ներկայացնում են հորինվածքային ու ծավալատարածական միասնական մի համակարգ, միաժամանակյա օկիզը ունեն և դրանցից որևէ մեկին չի կարելի առաջնություն տալ իբրև նախորդող ձևի։ Արժեքավոր է շորորոգ գլխի այն հատվածը, որտեղ մանրամասն քննարկվում է հուշարձանների բնույթը և պարզվում, որ դրանցից ոչ բոլորն են եկեղեցի, այլ զերակցող ու մասը աղոթարաններ են՝ վկայարաններ, գերեզմանատան եկեղեցիներ, տոմսական եկեղեցի-դամարաններ, մկրտարաններ։

Խոսելով հուշարձանների պատմորին առկա նշանագրերի մասին, հեղինակը մերժում է դրանք վարպետի աշխատանքի ծավալի ու վարձատրության չափը որոշող նշաններ լինելու մասին տեսակետը և համարում «որոշակի իմաստ ունեցող խորհրդանիշներ» (էջ 84)։ Սակայն այս բնորոշումը թերի է և անհրաժեշտ է լրացուցիչ հետազոտություն՝ նշանների բնույթը պարզելու համար։

Համոզիչ չէ նաև քննվող տիպի անվանումը, որը նաև գրքի վերնագիրն է։ Այս տիպի էական առանձնահատկությունը խաչաձևությունն է թե՛ հատակագծային, թե՛ ծավալատարածական հորինվածքներում։ Այնինչ բնորոշման մեջ բացակայում է նրա հիմնական հատկանիշը՝ խաչաձև լինելը։ Արտասահմանյան գրականության մեջ այս տիպն անվանվում է «ազատ խաչ»։ Նման բնորոշումը թեպետ լրիվ չի արտահայտում հորինվածքի էությունը, սակայն ավելի ճիշտ բնորոշում է և ունի մի առավելություն՝ ևս՝ բավական հակիրճ է։ Ընդհանրապես հայերեն մասնագիտական գրականության մեջ միջնադարում կիրառվող ճարտարապետական տիպերը մինչև օրս իրենց արդեն ընդունված և միասնական անվանումները չունեն, բացառությամբ «գմբեթավոր դահլիճից»։ Դրանց մի մասը կոչվում է այդ տիպի հանգուցային հուշարձանի անունով, իսկ շատերի համար յուրաքանչյուր հեղինակ կիրառում է իր սեփական անվանումը, որով ճարտարապետական գրականության մեջ խաչատրվետություն է առաջանում։ Այսպես, օրինակ, Գայանե տաճարի հորինվածքը կոչվում է «գմբեթավոր բազիլիկա», «խաչաձև գմբեթավոր եկեղեցի» (թեպետ խաչաձևությունն արտահայտվում է միայն շենքի ծածկում), «քառամույթ խաչաձև տաճար» և այլն։ Վաղուց ժամանակն է, որպեսզի սովորաբար ճարտարապետական գրականության մեջ մշակվի այս տիպերի միասնական, գիտական ճիշտ անվանումը։

Վ. Գրիգորյանի մենագրության կարևոր արժանիքներից է քննարկվող շորս տառնյակ հուշարձանների թվագրումը։ Մինչև այժմ այս տիպի բոլոր կառույցները (որոնք արդեն հայտնի էին) համատարած թվագրվում էին բացառապես VII դ.։ Հեղինակը ճարտարապետական-գեղարվեստական համոզիչ վերլուծությամբ հիմնավորում է, որ կենտրոնագմբեթ փոքր հուշարձանների տիպը հայ ճարտարապետության մեջ կիրառվել է ոչ թե VII դ. սկսած, ինչպես մինչև այժմ ընդունված է մասնագիտական գրականության մեջ, այլ դեռևս V դ. զուգահեռաբար գոյություն է ունեցել այլատիպ (գմբեթավոր և սրահավոր) հորինվածքների հետ մեկտեղ։ Հիրավի, Վ. Գրիգորյանի մենագրությունը խոշոր ավանդ է հայ ճարտարապետության պատմության ուսումնասիրության գործում և ցանկալի է, որ նման ուսումնասիրություններ ստեղծվեն նաև միջնադարյան Հայաստանում կիրառված կառուցվածքների մյուս տիպերի վերաբերյալ ևս։

ՄՈՒՐԱԴ ՀԱՍՐԱԹԱՆ
ՃԱՐՏԱՐԱՊԵՏՈՒՅԱՆ ԻՆՏԵՆՏՈՒ